

TEZAU LITURGIC
5 OCTOMBRIE

ACATISTUL
SF. CUVIOS
GRIGORIE
DE LA
KANȚA GEORGIEI



TBILISI, 2000



დაუჯდომელი საგალობელი წმიდისა და ნეტარისა მამისა ჩუენისა გრიგოლ ხანძთელისა

კონდაკი 1

ქებით გიგალობთ მღდელთა სიქადულსა და ხანძთისა
დიდებასა, და მეოხ-გყოფთ წინაშე ღმრთისა,
განდევნოს ჩუენგან ყოველი ბოროტი და
განგუარინნეს ყოვლისაგან ჭირისა და საცთურისა,
რადთა ვეველტოდეთ რისხვასა ღმრთივადმრულსა და
გნატიდეთ შენ ძალისაებრ ჩუენისა: გიხაროდენ,
ყოვლადბრწყინვალეო ღამპარო და მწყემსო
ქართველთა ერისაო, საკვრველთმოქმედო მამაო
გრიგოლ ხანძთელო!

იკოსი 1

უღელსა ტკბილსა ქრისტჳსსა ქედი მოუდრიკე და
წარმართე რად სლვანი შენი მსახურებად ღმრთისა,
სიტყუერთა ცხოვართა მწყემს იქმენ, და დამწყსენ
იგინი სიტყუთა და საქმითა საღმრთოოთა, ეგრეთვე აწ
მოიხილე ჩუენ ზედა და გვკსენ რწმენისაგან არა
ცხოველისა და ნელ-ტფილისა, რადთა უღმრთოთა
ნებისაებრ არა მივიდრიკოთ უსჯულოებისადმი და

გულსმოდგინებითა ვადიდოთ საქმენი შენნი ღირსი ქებისად:

გიხაროდენ, კაცო, გულის სათქუმელო სულისაო;
გიხაროდენ, რჩეულო ჭურო, სამკვდრებელო
სიწმიდისაო;

გიხაროდენ, დაუშრეტელო წყაროო ღმრთეებრივისა
სიბრძნისაო;

გიხაროდენ, კეთილშუენიერად აღმობრწყინვებულო
ჭეშმარიტო მსახურო ქრისტე მაცხო-ვრისაო;

გიხაროდენ, ზეგარდამო მოვლენილო განწმედისათჳს
ერისა საზეპუროდსაო და გაძლიერებისათჳს
სამეფოდსა წმიდისაო;

გიხაროდენ, ორღანოო, ქნართა გალობათაჲთა
ბრწყინვალედ შემამკობელო ეკლესიისაო;

გიხაროდენ, კეთილად მომმუშაკებელო
ღმრთისმსახურებისა ღუაწლისაო;

გიხაროდენ, კეთილად განმგებელო მოღუაწეო და
ქალაქ-მყოფელო უდაბნოდსაო;

გიხაროდენ, კლარჯეთისა სავანეთა დიდო
არქიმანდრიტო და მოძღუარო სრულიად საქარ-
თველოდსაო;

გიხაროდენ, განმამტკიცებელო ქალწულისა ნინოდსა
მიერ აღორძინებულისა სარწმუნოებისაო;

გიხაროდენ, ჭეშმარიტო ხატო წინაპართა ჩუენთა
კეთილმსახურებისაო;

გიხაროდენ, დიდებაო და ძლიერებაო მამულისა
ჩუენისაო;

გიხაროდენ, ყოვლადბრწყინვალეო ლამპარო და
მწყემსო ქართველთა ერისაო, საკვრველთმოქმედო
მამაო გრიგოლ ხანძთელიო!

კონდაკი 2

დამბადებელმან გიცნა წიაღსავე შინა დედისასა და
განგიკუთვნა რად შობით შენითგან, სიყრმითგან
წარმატე ჰასაკითა სწორთა შენთა სწავლითა და
სიყუარულითა ღმრთისაჲთა, და აღიწიე რად თავსა
სრულებათასა, ჭაბუკმან, ვითარცა მკცოვანმან და
ბრძენმან, შეიმოსე სახლ მონაზონებისა და
სამღდელოდ სამოსელი სიმართლისა და მადლისა, და
დღითიდღე ილუწიდი სადიდებელად ღმრთისა, აწ
გვითხოვე მისგან ცოდვათა და უსჯულოებათა
ჩუენთა შენდობად, რადთა ღირს-ვიქმნნეთ დიდებასა
მისსა: აღილუია.

იკოსი 2

მოსწრაფე იყავ რად ღმრთისა მიერ აღძრვითა, ნეტარო
გრიგოლ, დაუტევნე მშობელნი და მოყუასნი თჳსნი,
და სამთა მოსაგრეთა თანა თანაწარხედ რად
სოფლიოდსა ამის განხრწნადთა საქმეთა, ქრისტჳს
სიყუარულითა ერთ ზრახვად შეკრულთა აღიბეჭდეთ

თავნი თჳსნი ნიშითა პატიოსნისა ჯუარისაჲთა და წინამძღურობითა სულისა წმიდისაჲთა მიიწიეთ რაჲ მურვან-ყრუჲსა მიერ აოხრებულსა სანახებსა მას კლარჯეთისასა, დაემკჳდრეთ ოპიზას, ნეტარისა მამისა თანა გიორგისასა და მოსწრაფედ შეუდეგით ასპარეზსა უხრწნელისა ღუაწლისასა, ამისთჳსცა მოგართუმევთ სამადლობელსა ამას ქებისასა:

გიხაროდენ, სამოელ წინასწარმეტყუელისაებრ დედის წიაღთაგან უფალსა შეწირულო;

გიხაროდენ, სახლსა შინა სამეუფოსა დიდისა ნერსე ერისთავისასა წმიდად და უბიწოდ აღზრდილო;

გიხაროდენ, სიჩქოჲთგანვე სულისა თჳსისა ქრისტჳს სამკჳდრებელად განმკუთვნელო;

გიხაროდენ, დაუცადებელითა ლოცვითა და მღჳძარებითა ეშმაკისა ცთუნებათა განმხდელო;

გიხაროდენ, მრავალშეთხზულთა მათ ხელოვნებათა მძლავრისა მტერისაჲთა დამკსნელო;

გიხაროდენ, ფრიადისა მუკლთმოძრეკისა და ცრემლთა წმიდათა უძილთაგან თუალთა შენთა ღმრთისადმი შემწირველო;

გიხაროდენ, სულითა ძლიერითა განბრწყინვებულო;

გიხაროდენ, მწიგნობრობასაცა შინა მრავალთა ენათასა განსწავლულო;

გიხაროდენ, საღმრთოჲთა წერილითა

გამოკჳრვებულო და სიბრძნითა განსრულებულო;

გიხაროდენ, მამულისა სიყვარულითა ანთებულო და
სარწმუნოებისა ერთობისა სულითა აღგზებულო;
გიხაროდენ, თაფლ-მწთოლვარითა მით ენითა
სწავლათა საღმრთოთა აღმომადინებელო;
გიხაროდენ, პატივსა მას ეპისკოპოსობისასა
განრინებულო და ფიცხელთა ღუაწლთა ახოვნად
თავს მდებელო;
გიხაროდენ, ყოვლადბრწყინვალეო ლამპარო და
მწყემსო ქართველთა ერისაო, საკვრველთმოქმედო
მამაო გრიგოლ ხანძთელო!

კონდაკი 3

უზესთაესსა მადლსა მას ღირს-ქმნულმან, არათუ
ქვიშასა ზედა დასდევ საფუძველი მონაზონებისად,
არამედ კლდესა ზედა სიმტკიცისასა, რომელ-არს
ქრისტე, რამეთუ ჯუარი მისი მგართა ზედა აღილე და
სივრცესა მას შინა უდაბნოთასა განბნეულნი მარტოდ
ცხოვრებულნი მამანი შეკრიბე, ვინაჲცა შეირაცხნეს
პირველთა თანა მოწაფეთა შენთა, ნეტარო, და
კეთილად წარმართებულნი უფალსა
უგალობდენ: აღილუია.

იკოსი 3

ღმრთივგანბრძნობილად გამოსჩნდი შენ,
კურთხეულო ძალითა მაღლისაჲთა, და ადგილსა

კლდოანსა და კაცთაგან უღუაწთა აღაშენე დიდებული
ხანძთაჲ სახელსა ზედა მთავარ-მოწამისა გიორგისასა,
საცხოვნებელად სულთა და საყუდებელად მამათა, და
ყოველთავე წყალობით ასწა-ვებდი და სწყალობდი
შენდამი სარწმუნოებით მოღტოლვილთა, ხოლო
მოწაფენი შენნი გემსგავსებოდენ მოძღუარსა
კეთილსა, და იყვენით თქუენ ერთსულ ძალითა
ქრისტჳსითა, აწ გვიოხე წინაშე მისა, დანერგოს ჩუენ
შორის შიში და მოძაგებაჲ ცოდვისაჲ და სიყუარული
სათნოებისაჲ, რადთა შეწევნითა შენითა ვიქადდეთ და
გნატრიდეთ წადიერებითა და სურვილითა:

გიხაროდენ, ქრისტჳსთჳს მრავალსახეთა ჭირთა და
მწუხარებათა დამთმენელო;

გიხაროდენ, უდაბნოსა შინა წმიდათა მამათა
მომხილველო და განგებისა მის თითოეულისა
მათისასა გულსა შიდა დამმარხველო;

გიხაროდენ, კეთილთა ქცევათა მარტოდ მყოფთაგან
მეუდაბნოეთა და ღმრთისა მიახლებულთაგან
შემკრებელო;

გიხაროდენ, უფიცხლესთა უდაბნოთა შინა ნაცულად
მკეცთა-წილ, ანგელოზთა სწორთა კაცთა
დამამკვდრებელო და მრავალთა სათნოებათა
დამნერგველო;

გიხაროდენ, უდრტვინველად სიმდაბლითა
მორჩილთა სიხარულითა შემწყნარებელო და ურჩთა

განმდევნელო;

გიხაროდენ, ღმრთისმეტყუელითა პირითა უაღრეს
რიტორთაჲსა მეტყველო და სწავლათა ზეცისათა
გამომთქუმელო;

გიხაროდენ, საღმრთოთა წიგნთა სრულ-მყოფელო და
ყოველთა წესთა განმმარტებელო;

გიხაროდენ, მრავლით ჟამითგან უშჯულოთაგან ზარ-
განხდილთა ქრისტეანეთა სულითა განმამჴნობელო;

გიხაროდენ, უსიტყუთა სიტყვერ-მყოფელო და
უძლურთა განმადლიერებელო;

გიხაროდენ, პატიოსანთა სიტყუათა შენთა მადლითა
ერისა სულიერისა ძილისა განმაფრთხობელო;

გიხაროდენ, განრღვეულისა მამულის სულისა
განმაცხოველებელო;

გიხაროდენ, უფიცხლესითა მონაზვნებრივითა
კანონითა მოწესეთო გამომწვრთნელო და ყოველსა
ზედა კეთილსა საქმესა გამომცდელო;

გიხაროდენ, ყოვლადბრწყინვალეო ლამპარო და
მწყემსო ქართველთა ერისაო, საკვრველთმოქმედო
მამაო გრიგოლ ხანძთელო!

კონდაკი 4

განეფინა რაჲ მადლი ბაგეთა შენთა, ყოვლად
საწადელნი გალობანი აღმოსთქუენ აღსავსჴ
სიტკბოებითა, და ღმრთისმსახურებაჲ განაშუენე რაჲ

შესჯმითა წმიდათაჲთა, წიგნნი სულიერნი დაუუნჯენ
 ეკლესიათა ჩუენთა, ხოლო ვინაჲ ხედვიდეს
 საღმრთოსა მას მოქალაქობასა შენსა და მდინარეთა
 უმდიდრესთა სწავლათა და ნიშთა და სასწაულთა,
 შენ მიერ აღსრულებულთა, აღივსო გული მათი
 სიყუარულითა შენითა, და მადლობდენ ღმერთსა,
 რამეთუ მოხედვად ყო საზეპუროსა ერსა თჳსსა ზედა
 და მოუვლინათ კაცი ზეცისაჲ და ადიდებდეს
 განმადლიერებელსა შენსა: ალილუია.

იკოსი 4

ვითარცა აკურთხა უფალმან სახლი ნოვე მართლისაჲ
 და აბრაჰამ მამათმთავრისაჲ, იგივე კურთხევად
 დაუმკვდრე, ნეტარო, სახლსა გაბრიელ მთავრისასა,
 და მჭურვალე შუამდგომელად გამოუჩნდი წინაშე
 ღმრთისა, ხოლო გაბრიელ მოგანიჭა შენ მრავალი
 საფასე საშენებელად მონასტრისა, რამეთუ იწროებასა
 შინა იყვენით დიდსა, ეგრეთვე აწ მოგუხედენ ჩუენ
 და მოგუ-ფინე კურთხევანი მამობრივისა შენისა
 გულმოწყალებისაჲ, რაჲთა ცხორებისა ჩუენისა გზაჲ
 კეთილად განვლოთ და ღირს ვიქმნეთ შეწირვად
 გალობისა:

გიხაროდენ, ვარსკულავო ელვარეო, ჳსნისა
 მეძიებელთათჳს გზისა მაჩუენებელო;
 გიხაროდენ, ღმრთისა და მოყუასის სიყუარულისა

მქადაგებელო;
გიხაროდენ, მამულად სამსახურებელად და
ღმრთისმსახურებად მომწოდებელო;
გიხაროდენ, ახოვნებითა სულისაჲთა სულმოკლეთა
და დაკსნილთათჳს მაგალითისა მიმცემელო;
გიხაროდენ, განსაცდელთა შინა შეწევნისა მადლისა
ზეცით-გარდამო მომღებელო;
გიხაროდენ, მშიერთა გამომზრდელო და გლახაკთა
მწყალობელო;
გიხაროდენ, წყევისა დამკსნელო და კურთხევისა
მომცემელო;
გიხაროდენ, სიბრძნისა შენისა მდინარეთაგან
განფიცხებულთა გულთა მომალბობელო და
ბრალეულთა სინანულად მომაქცეველო;
გიხაროდენ, მორჩილთათჳს საღმრთოჲსა შურისა და
კრძალულებისა მასწავლელო;
გიხაროდენ, მოგუთა გრძნებისა დამარღვეველო და
სიცბილისა მათისა ძლევითა მამხილებელო;
გიხაროდენ, მზვაობართა დამამდაბლებელო და
მდაბალთა აღმამაღლებელო;
გიხაროდენ, ღირწებათა მეფეთასა და უწყალოებათა
მსაჯულთასა აღმკუთელო;
გიხაროდენ, ყოვლადბრწყინვალეო ლამპარო და
მწყემსო ქართველთა ერისაო, საკვრველ-თმოქმედო
მამაო გრიგოლ ხანძთელო!

კონდაკი 5

მიიწიე რად უდიდესსა საზომსა მონაზონებისასა,
ნეტარო, გვრგვნოსან გყო შენ უფალმან წინა-თქუმად
ყოფადისა, ვითარცა აწინდელისა, და ანგელოზთა
თანამზრახვალობისა, ხოლო მოწაფენი შენნი,
შრომითა შეკრებულნი და სულიერად შობილნი,
იყვნეს მსგავს წმიდათა უცორცოთა და სულნელებად
ლოცვათა თქუენტად, ვითარცა კეთილი საკუმეველი,
მარადის აღიწეოდა წინაშე ღმრთისა: აღილუია.

იკოსი 5

ესმა რად კეთილად ღმრთისმსახურსა მეფესა აშოტს
სახელი შენი დიდ-საქებელ, გულისჴმა ყო მადლი
ღირსებისა შენისად, და სურვიელ იყო რად ხილვასა
შენსა, პატივითა გიწვია არტანუჯსა და სიმდაბლითა
მოგეგება წინა, გარნა იხილა რად ბრწყინვალებად
პირისა შენისად, ვითარცა მოსე
წინასწარმეტყუელისად, სიხარულითა შეგიწყნარა, და
წარმოგიდგინა სამნი იგი ძენი თჳსნი, ყოვლად
კეთილნი და ახოვანნი, რადთამცა იკურთხოვნ შენ
მიერ, და კირით-ხურონი და ყოველი, რადცა გიჴმდა
შეგწირა, ხოლო ჩუენ ჴსენებასა შენსა წლითი-წლად
აღვასრულებთ და გალობად შენდა აღვადებთ პირთა:

გიხაროდენ, მსგავსად იოვანე ნათლისმცემელისა
უდაბნოდსა ანგელოზო და ქადაგო სინანუ-ლისაო;
გიხაროდენ, მოძღუარო კრძალულებისაო;
გიხაროდენ, დაფარულთა მცნობელო უფსკრულო
გულისჴმის-ყოფისაო;
გიხაროდენ, ღმრთივგანბრძნობილო მკურნალო
სულიერისა სიბრმისაო;
გიხაროდენ, კეთილად მეცნიერო ყოველთა
დღესასწაულთა განგებისაო;
გიხაროდენ, ქუხილო საღმრთოდსა ქადაგებისაო;
გიხაროდენ, სიმჴნეო მოთმინებისაო და სიწმიდისაო;
გიხაროდენ, ფარო, დამცველო კეთილმსახურებისაო;
გიხაროდენ, მახჴლო, განმკუეთელო
ბოროტმსახურებისაო;
გიხაროდენ, შეუძრველო გოდოლო
მართლმადიდებლობისაო;
გიხაროდენ, სამკაულო და დიდებაო ივერთა
ეკლესიისაო;
გიხაროდენ, მიურულებელო მცველო და ქომაგო
ქართლოსიანთა მიწა-წყლისაო;
გიხაროდენ, საღმრთოო შუამდგომელო ნათესავისა
ჩუენისაო;
გიხაროდენ, ყოვლადბრწყინვალეო ლამჴარო და
მწყემსო ქართველთა ერისაო, საკჴრველთმოქმედო
მამაო გრიგოლ ხანძთელო!

კონდაკი 6

მოივსენე რად ძირ-გუარობად აშოტ კურაპალატისად, უფლისა მიერ ცხებულისა შვლად აღია-რე და განათლებული ხედევდი რად მომავალთა, მეფობისა დამკვდრებად აღუთქვი უკუნისამდე ნათესავთა მისთა, ხოლო აწ ევედრე ღმერთსა, ღირს-გვყოს წინასწარმეტყუელებათა შენთა კეთი-ლად აღსრულებისა, და აღგვდგინოს ცხებულისა ძირისაგან დავითისა, რადთა ჩუეულებისაებრ წინაპართა ჩუენტასა მსახურებდეს ერსა, და მარადის ადიდებდეს ქრისტესა ღმერთსა: აღილუია.

იკოსი 6

ღმრთისა მიერ მოცემული მადლი, განმანათლებელი სულთა, მოიღე შენ ბრწყინვალედ და ერი შენი შეზღუდე სწავლითა საღმრთოდთა, ხოლო შენ მიერ ახოვან ქმნილნი მეფე აშოტ მძლე ექმნა უშჯულოთა აგარიანთა და მტერთა კუეთებითა შერყეული ქართლის სამეფოდ კუალად აღადგინა, ეგრეთვე აწ ჩუენ გარდამოგვივლინე ძალი, სიმკნწ, სიბრძნწ და მძლეველობად ყოველთა მტერთა და მაჭირვებელთა ზედა, რადთა უვნებელად დაცულნი გაქებდეთ შენ, ვითარცა შემწესა და მეოხსა მკურვალესა:

გიხაროდენ, არეთა ქართლისათა ღუაწლითა შენითა
განმაშუენებელო;
გიხაროდენ, კლარჯეთის უდაბნოთაგან
დაუღევნელთა მადლთა განმფენელო;
გიხაროდენ, უდაბნოთა და ნაპრალთა შინა
კლდისაჲთა მოსაგრეთა განმადლიერებელო;
გიხაროდენ, სწავლითა შენმიერითა უწესოებათა
განმმართველო;
გიხაროდენ, მწიკუღევანთა და
მრავალშეცოდებულთა სულთა განმწმედელო;
გიხაროდენ, სოფლისა ამბოხისა და ბრძოლისაგან
განმარინებელო;
გიხაროდენ, მხილებისა მახვლითა ეშმაკისა მსახურთა
განმგმერელო;
გიხაროდენ, მწვალებელთა და შჯულისა
გარდამავალთა ეკლესიითგან განმდევნელო;
გიხაროდენ, ცისკრითა კეთილმსახურებისაჲთა
ყოველთა განმანათლებელო;
გიხაროდენ, წმიდათა მამათა მიერ გარდამოცემულსა
მართლმადიდებლობასა შინა განმამტკიცებელო;
გიხაროდენ, ღირსთა მეუდაბნოეთა და დიდთა
მღდელთმთავართა გამომზრდელო;
გიხაროდენ, მთავრობისაგან ღმრთისა განშორებულთა
და კაცთა მთავრობისა მოქენეთა ზარგანმხდელო;
გიხაროდენ, ყოვლადბრწყინვალეო ლამპარო და

მწყემსო ქართველთა ერისაო, საკვრველთმოქმედო
მამაო გრიგოლ ხანძთელიო!

კონდაკი 7

ინება რად მეუფემან განცხადებად საღმრთოდსა
დიდებისა შენისად, მოგანიჭა მადლი სენთა
კურნებისად და ეშმაკთა განხდისა და განდევნისად,
ხოლო გესმა რად გოდებად დედისად და იხილე ყრმად
მისი ვნებული მტერისაგან, შეგეწყალნეს ფრიად და
განიოტე სული იგი უკეთური ლოცვითა და
მიჰმადლე რად კურნებად, განიხარეს ფრიად, და
მადლობად აღუარეს და დიდებად შესწირეს ღმერთსა,
წმიდათა შორის საკვრველსა: ალილუია.

იკოსი 7

ვითარცა მეფეთა ისრაელისასა მოუვლენდა უფალი
ჟამითი-ჟამად წინასწარმეტყუელთა სიქა-დულად
მათდა, ზღუდედ შჯულისა და შუამდგომელად
წინაშე მისა, ეგრეთცა გამოგაჩინა შენ ბაგრატოვანთა
სიქადულად, საკვრველი ეგე დიდებული,
ღმერთშემოსილი მამად და ნეტარი მოღუაწლ, და
ილუწიდი მათთჳს სულიერად წინაშე ღმრთისა, ჳსნად
განსაცდელთაგან და განრინებად ყოვლისაგან
ვნებისა, ხოლო მეფენი და მთავარნი ერთა თანა

პატივს გცემდეს შენ და გაქებდეს ახოვან ქმნილნი
ღუაწლითა შენითა:

გიხაროდენ, გამოუთქმელითა სიწმიდითა
სამღდელოთათჳს მაგალითისა მიმცემელო;

გიხაროდენ, დედათათჳს სულიერისა სიმტკიცისა და
კრძალულებისა მასწავლელო;

გიხაროდენ, დედისა ფებრონიას თანა ანგელოზთა
თანა-მზრახვალო და ყოვლისა ბილწ-მოქალაქობისა
აღმხოცელო;

გიხაროდენ, მეფეთა და მთავართა მოწყალებად და
შეწყნარებად აღმძრველო;

გიხაროდენ, ბოროტითა ცოდვითა მრუშებისადთა
ძლეულთა მამხილებელო;

გიხაროდენ, მღვდარედ და ფხიზლად ცხორებისა
შემაგონებელო;

გიხაროდენ, ღმრთისმოსავთა ოჯახთა მაკურთხეველო
და ორგულთა მეუღლეთა შემრისხველო;

გიხაროდენ, აღვრ-უსხმელთა დამაოკებელო და ცრუ-
მორწმუნეობისა საცთურისა დამშრეტელო;

გიხაროდენ, უმანკოთა ყრმათა და ქალწულთა
ყოვლისა სიბილწისა და მანკიერებისაგან
დამკსნელო;

გიხაროდენ, უსამართლოთა ბჭობათა დამარღვეველო
და სიმართლისა მოძულეთა მარცხვენელო;

გიხაროდენ, მძლავრთა ამპარტავნებისა და ეშმაკისა

სიცბილისა დამთრგუნველო;
 გიხაროდენ, სატანისა მახეთაგან და უცხო თესლთა
 ზედა მოსლვისაგან დამფარველო;
 გიხაროდენ, ყოვლადბრწყინვალეო ლამპარო და
 მწყემსო ქართველთა ერისაო, საკვრველთმოქმედო
 მამაო გრიგოლ ხანძთელიო!

კონდაკი 8

ჯერ-ჩინებითა შენითა და შეწევნითა ბაგრატ
 კურაპალატისა აღაშენე შატბერდი უწყებითა
 საღმრთოთა და ყოველნი სავანენი შეაერთნე
 ძმობრივსა ზედა სიყუარულსა და შეამტკიცნე
 ღუაწლითა წმიდითა, ხოლო ეპისკოპოსთა და
 მეუდაბნოეთა, კელმწიფეთა თანა, დაგადგინეს
 არქიმანდრიტად კლარჯეთისა უდაბნოდსა, და
 ვითარცა მწყემსი მღვდარე, ილუწიდი სამწყსოთა შენთა
 კეთილად, ეგრეთვე აწ განგვიმრავლნე მწყემსნი და
 ერის-მძღუარნი, შემკობილნი საქმითა და სიტყვთა,
 რადთა შენებრ ღირსებითა და სიმართლითა
 ემსახურონ წმიდასა ეკლესიასა და ერსა, და მარადის
 უგალობდენ ქრისტესა, მეუფესა და
 ღმერთსა: ალილუია.

იკოსი 8

იხილა რაჲ მნათემან ბრწყინვალებაჲ ნათლისაჲ
საყოფელსა შენსა, ჰგონებდა მას შინა ცეცხლსა
აღდებულსა, და უთხორობნ იგი მსწრაფლ დეკანოზსა,
ხოლო მას მრავალგზის ეხილვა სული იგი სახიერი
დადგრომილი შენ ზედა, გარნა შთახედნა რაჲ
ნაპრალსა სენაკისასა და კუალად გიხილა ბრწყინვალჲ
უნათლეს მზისა, დიდებაჲ მისცა ღმერთსა, რომელი
შეეწევის და აღამაღლებს, ვინაჲცა ჰყუარობენ მას, და
გნატრიდა შენ, ვითარცა ქართველთა მზესა, ივერთა
ეკლესიის სიმაღლესა ზედა მდებარესა:

გიხაროდენ, კაცო საკვრველო ზეცისაო და ანგელოზო
უბიწოო ქუეყანისაო;

გიხაროდენ, მღდელთა სიქადულო და ყოვლად
ბრწყინვალეო მნათობო ღმრთისმსახურებისაო;

გიხაროდენ, ნათელსა შინა ღმრთის ხედვითა
განჰბრწყინვებულო მკვდრო უდაბნოდსაო;

გიხაროდენ, წმიდაო წყაროო
ღმრთისმეტყველებისაო;

გიხაროდენ, მეგობარო ქრისტჳსო, მუშაკო ვენახისა
მისისაო;

გიხაროდენ, ნერგო სამოთხისაო, გამომღებელო
კეთილისა ნაყოფისაო;

გიხაროდენ, დიდო მეოხო და შუამდგომელო ბერ-

მონაზონათა კრებულისაო;
 გიხაროდენ, ჯუარისმტვირთველო და
 აღმადგინებელო დაცემულისა ერისაო;
 გიხაროდენ, ძალაო და დამამტკიცებელო მეფეთა
 სკიპტრისაო;
 გიხაროდენ, თანამოსაგრეო და თანაგანმკაფველო
 ყოველთა გზათა კეთილმსახურისა მეფისა აშოტისაო;
 გიხაროდენ, მადლმოსილო წინამძღუარო და
 უძლეველო ზესთამბრძოლო ერისა რჩეულისაო;
 გიხაროდენ, მნათობო ქუეყანისაო და
 სარწმუნოებისაო;
 გიხაროდენ, ყოვლადბრწყინვალეო ლამპარო და
 მწყემსო ქართველთა ერისაო, საკვრველთმოქმედო
 მამაო გრიგოლ ხანძთელიო!

კონდაკი 9

ოდეს დაიპყრა საყდარი ანჩისაჲ ურცხვინო ცქირმან
 მძლავრებითა, მარადის ამხილებდი უწესოებასა
 მისსა, გარნა მან არა ისმინა და უბრძანა ლახურითა
 განგმერაჲ შენი კაცსა მას ძლიერად მოისარსა, ვინაჲცა
 გეძიებდა რაჲ მოკლვად, ჩუენებითა იხილა სუეტი
 ნათლისაჲ და ჯუარი ცისარტყელისა სახედ გარემო
 შენსა, და მყის დაჰჴსნდეს რაჲ მარლუნი მკლავთა
 მისთა, ცრემლთა დინებითა შეგივრდა და ითხოვდა
 შენდობასა, ხოლო შენ მიემსგავსე ქრისტესა და

განკურნე რად ლოცვითა ძლიერითა, სიხარულითა
გმადლობდა და აქებდა ღმერთსა: ალილუია.

იკოსი 9

ვითარცა მკნემან და ახოვანმან მკედარმან ქრისტესმან
უქმად გამოაჩინე მრავალსახე სივერაგჱ ცქირისად,
წინასწარმეტყუელე რად მისსა მიმართ საღმრთოდ
შურისგებად და სიკუდილი, და დარღვევისაგან
დაიცევ დიდებული იგი ტაძარი ხანძთისად, ეგრეთვე
აწ სრულიად განაქარვნე მზაკუვარებანი მათნი,
რომელნი მტრობენ ღუაწლ-დიდებულსა ერსა ჩუენსა,
ვიდრე ჟამადმდე დამდაბლებულ დაწუნებულსა და
დაამკჳე ბოროტად შეცთომილნი ბილწნი
მწვალებელნი, რომელნი მაღლად იტყოდეს
სიცრუვესა, რადთა ვიხარებდეთ კრებული
მართლმადიდებელთა და ქებით შევამკობდეთ
საქმეთა შენთა:

გიხაროდენ, მწყემსო კეთილო კრავთა მათ
რჩეულთაო;

გიხაროდენ, კანონო ზოგად-ცხორებულთა
მონასტერთაო;

გიხაროდენ, წინამძღუარო განშორებულთაო და
ყოველთა ზეცისადმი წარმმართველთაო;

გიხაროდენ, მონაზონთა რჩეულებაო და სიქადულო
მმარხველთაო;

გიხაროდენ, ზეცით მონიჭებულო სიმტკიცეო
მართლმადიდებელთაო;

გიხაროდენ, სულითა ძლიერო, მძლეველო
ჯორციელად ძლიერთა ჯელმწიფეთაო და დამკსნელო
ვნებათაო;

გიხაროდენ, მწყალობელო ყოველთა მორწმუნეთაო
და შემწეო მღდელთ-მთავართაო;

გიხაროდენ, მოღუაწეთა სამკაულო და მფარველო
კეთილად განკრძალულთა მღდელთაო;

გიხაროდენ, ჭეშმარიტო მამაო, ყოველთა შენდამო
ლტოლვილთაო და მზრდელო ობოლთაო;

გიხაროდენ, დავრდომილთა მსწრაფლშემწეო და
განმკურნელო სიკუდიდ განწირულთაო;

გიხაროდენ, მოგზაურთა ნუგეშინის-მცემელო და
უღელვო ნავთსაყუდელო ღელვა-გუემულთაო;

გიხაროდენ, კეთილო შუამდგომელო შორის ღმრთისა
და კაცთაო;

გიხაროდენ, ყოვლადბრწყინვალეო ლამპარო და
მწყემსო ქართველთა ერისაო, საკვრველთმოქმედო
მამაო გრიგოლ ხანძთელიო!

კონდაკი 10

გიხილეს რაჲ მამათა ჯავახეთისა კრებისათა, ზარი
განჰკდათ მადლთაგან სიწმიდეთა შენთაჲსა, რამეთუ
სამოსელი შენი შეურაცხი ჰნათობდა ნათლითა

მიუწდომელითა, და თავსა შენსა ზედა ვითარცა გვრგვნი სამეუფოდ, აღმკული თუალ-მარგალიტითა, მაშინ შიშნეულად გერჩდეს ყოველნი და დაამტკიცეს რაჲ კათალიკოზობაჲ დიდისა არსენისაჲ, რომელი გამოჩნდა კანონად მღდელთმთავართა და საღმრთოდ სიხარული მოჰფინა ივერთა ეკლესიასა, გნატრიდენ შენ, ვითარცა სასოსა ერისა ჩუენისასა, და ყოველსა ჟამსა ადიდებდენ ძალსა ქრისტესსა: ალილუია.

იკოსი 10

უბიწოებითა განჰვლე საწუთროდ, ვითარცა ანგელოზმან ღმრთისამან, და მარადის ილოცავნ მისა მიმართ, რადთა დასცხრენ აღმრვანი მწვალებელთანი სამწყსოთაგან ქრისტესთა, ხოლო გეუწყა რაჲ დღჳ იგი ამიერ სოფლით განსლვისა შენისაჲ, შემოკრიბე ხანძთელნი ბერნი და განაკრძალებდი და აკურთხებდი სამწყსოსა შენსა, და გესმა რაჲ ჳმაჲ საწადელი, ვითარმედ ნეტარსა მას დიდებასა დამკვდრებად გიწოდდა შენ მეუფჳ ცათაჲ ქრისტე, სიბერითა კეთილითა განპოხებული განხვედ ჳორცთაგან, და ანგელოზთა და წმიდათა გუნდთა თანა შერთული უგალობ ყოვლისმჳყრობელსა, მას ევედრე, რადთა გარე წარგუჳადოს განსაცდელნი და ეშმაკთა კუეთებანი მოსავთა შენთა და მგალობელთა:

გიხაროდენ, ქრისტწსმოყუარეთა მთავრობათა და
მკედრობათა მწყალობელო;

გიხაროდენ, ალბორგებულთა ღმრთისმოძულეთა
მძლეველო;

გიხაროდენ, მრავალთა შემაცთუნებელთა და ძმათა
შორის მტერობისა დამთესველთა ზარგანმხდელო;

გიხაროდენ, ეკლესიათა შეურაცხმყოფელთა და
რისხვთა მკეცებრივითა მართალთა მკულელთა
აღმხოცველო;

გიხაროდენ, სამშობლოდსა ქუეყანისა დამაქცევართა
და მამულისა მაოხართა შემრისხველო;

გიხაროდენ, გარეგან ცხოვართადთა მოსილთა და
შინაგან მგელ-ღმრთისმსახურთა დამამკობელო და
განმთხველო;

გიხაროდენ, ვერცხლისმოყუარეთა და ანგართა
მარცხვენელო;

გიხაროდენ, ქედფიცხელთა და თვთრჯულთა
ურჩებისა და უმადლოებისა განმაქარვებელო;

გიხაროდენ, მაცთურთა მრისხანეთა და თვსტომთა
თვსთა მცბიერად წარმწყმედელთა დამცე-მელო;

გიხაროდენ, ჭეშმარიტთა მწყემსთა და დიდთა
მნათობთა ეკლესიისათა საღმრთოდ განმს-წავლელო;

გიხაროდენ, წარწყმედელისა უდებებისაგან ერისა
გამომკსნელო;

გიხაროდენ, მართლმადიდებელთა ჭეშმარიტისა

აღმსაარებლობისა განმამტკიცებელი;
გიხაროდენ, ყოვლადბრწყინვალეო ღამპარო და
მწყემსო ქართველთა ერისაო, საკვრველთმოქმედო
მამაო გრიგოლ ხანძთელიო!

კონდაკი 11

შემდგომად ჟამთა მიცუალებისა შენისათა, უძლურნი
და შეპყრობილნი სულთაგან არაწმიდათა, შერაეხნეს
წმიდათა მათ ძუალთა შენთა, განიკურნეს და
აღივსნეს სიხარულითა, ხოლო საფლავით შენით
გამოვიდოდა სული სულნელებისაჲ, მიუწდომელი,
და ყოველნი აღივსნეს მადლითა და
საკვრველებათაგან, და ყოველნი უძლურნი
მიიღებდეს კურნებასა და განმხიარულებულნი
გალობითა და შესხმითა სულიერითა ადიდებდეს
ღმერთსა საკვრველებათასა: აღილუია.

იკოსი 11

ზღუდედ საღმრთოდ, სიმტკიცედ და კეთილად
შესავედრებელად მოგიგო შენ ივერთა ქუეყა-ნამან, და
ერი შენი, წილ-ხვდომილი ღმრთისმშობლისაჲ,
მარადის ითხოვს შენ მიერ შეწევნასა, ხოლო შენ,
წმიდაო, დიდებულო მამაო გრიგოლ, ხატთა მიერ
გამოწერილთა და ვედრებათა მოკსენებული კუალად
ჰკურნებ შევედრებულთა შენთა და მსწრაფლ შეეწევი

ურვათა და კრულებათა შინა მყოფთა და
განსაცდელთაგან იკსნი შენდამი მგალობელთა:

გიხაროდენ, უფლისაგან არაწმიდათა სულთა ზედა
კელმწიფებისა მიმღებელო;

გიხაროდენ, ჭირვეულთა და ძვრ-ხილულთა კელის-
აღმპყრობელო;

გიხაროდენ, საუნჯეთაგან სულისა წმიდისათა
სულიერთა ნიჭთა უხვად მიმმადლებელო;

გიხაროდენ, მოძღურებათა შენთა სწავლითა
მრავალთა მამათა და ეპისკოპოსთა სიბრძნითა
დამმოძღურელო;

გიხაროდენ, სიტყვითა ტკბილო და ზრახვითა
საწადელო, შფოთისა და ცილობისა
დამაწყნარებელო;

გიხაროდენ, ცხორებითა სათნოდთა უსხეულოთა
მიმსგავსებულო და საკვრველებათა უხუებითა
მომნიჭებელო;

გიხაროდენ, საღმრთოდსა სარბიელისა ღუაწლითა
შენითა კეთილად სრულმოფელო;

გიხაროდენ, გვრგვნითა ძლევისადთა შემკობილო და
ამბა პავლესა და ანტონი დიდსა შეერთებულო;

გიხაროდენ, ნიშ-სასწაულებითა შენითა ურწმუნოთა
შემაშფოთებელო;

გიხაროდენ, საუფლოდსა ერისა მზაკუვარებითა
განმხრწნელთა შემრისხველო;

გიხაროდენ, ივერიელთა მტერობისთჳს ყოველთა
შემადრწუნებელო და დამამდაბლებელო;
გიხაროდენ, ქრისტეს სახელისა სადიდებლად
ღმრთისმებრძოლთა სილადისა დამამკობელო და
უწმინდურთა სულთა დამთრგუნველო;
გიხაროდენ, ყოვლადბრწყინვალეო ღამპარო და
მწყემსო ქართველთა ერისაო, საკვრველთმოქმედო
მამაო გრიგოლ ხანძთელიო!

კონდაკი 12

ღმრთისმსახურთა მათ მამათა ემსგავსე მოძღურებისა
საღმრთოჲსა განმტკიცებითა და ერსა შენსა
ავედრებდი ღმრთისმშობელსა, ეგრეთვე აწ
შეგვაწყნარე დედობრივსა მადლსა მისსა, რადთა
თქმულნი თჳსნი, რომელ აღმოთქუა,
წილხვედრებულთა მისთათჳს, აღასრულოს, ვითარცა
მოწყალემან, და ვიდრე აღსრულებადმდე საუკუნისა
დაიცვას ივერიაჲ და ერი ივერიისაჲ, რადთა
სიყუარულითა და მშჳდობითა ვცხონდებოდეთ და
ვაქებდეთ ღმერთსა სულითა და
ჰქჳმარიტებითა: ალილუია.

იკოსი 12

დაღათუ უდაბნოჲ კლარჯეთისაჲ დადუმებულ-არს,
ვერცაღა შემძლებელ ვართ დავიწყებად საღმრთოსა

მას მოქალაქობასა შენსა, რამეთუ იქადიან
 დარღვეული ხანძთაჲ და შატბერდი შენთა
 შრომათათჳს მათ შორის აღსრულებულთა და
 განსთქუმენ დიდებასა შენსა, გარნა საღმრთოთა
 შურითა მოტყინარენი ვმწუხარებთ დაკარგვისათჳს
 კლარჯეთის სავანეთა, არამედ აწ ჰყავ წყა-ლობაჲ
 ჩუენთჳს, ვითარცა შეუენის სიწმიდესა შენსა და
 ევედრე ქრისტესა მკსნელსა, აღადგინოს სამართალი
 და წმიდათა და ღმრთის სათნოთა ადგილთა მათ
 დაამკჳდროს ნათესავი ქართვე-ლთაჲ, რადთა მარადის
 ვმსახურებდეთ პატიოსანთა ძუალთა შენთა
 საყოფელსა და ტკბილ-ჴმოვანითა ენითა ჩუენითა
 ვიტყოდეთ გიხაროდენსა:

გიხაროდენ, მოწესეო, ანგელოზთა მობაძავო, რამეთუ
 უზეშთაეს კაცთა ბუნებისა არს ბრწყინვალეებით
 წარმატებაჲ ცხორებისა შენისაჲ;

გიხაროდენ, შინაგანთა მათ დაფარულთა ვნებათა
 მხილველო, რამეთუ მრავალ-გზის გესმა ჴმაჲ
 ანგელოზისაგან ანგელოზსა სწორსა მამასა, და
 განიხარე ფრიად;

გიხაროდენ, დიდო შემწეო და მოძღუარო ქრისტჳს
 სამწყსოთა მეფეთაო და მთავართაო, რამეთუ შრომასა
 შენსა თანამონაწილე ქმენ საფასეთა და შესაწირავთა
 უხვად გაღებითა;

გიხაროდენ, ბრძოლათა უბრძოლველად

დამარლუეველო, რამეთუ ლოცვითა შენითა მოსცა
ღმერთმან აგარიანნი საძლეველად ჯელთა
ქრიტეანეთა;

გიხაროდენ, მონაზონებისა სიმჴნითა რჩეულო და
წინადსწარმეტყველებისა მადლითა ბრწყინვალეო,
რამეთუ შეწევნადცა შენი უხილავად საჭურველ იყო
უფროდს სპათა და ლაშქართა;

გიხაროდენ, სარწმუნოო ქრისტეს მონაო, რომელმან
დაუდევ ლოდი საკიდური ახლად შენებასა ქუეყანისა
მის ქართლისასა;

გიხაროდენ, მოუდრეკელო, უმჴნესო მოღუაწეო,
რომელმან აღამაღლე გზრგზნი
მართლმადიდებელთა;

გიხაროდენ, ყოვლად კეთილო, რომელმან ასწავე
მრავალთა მამათა და დედათა წესი მეუღლეობისა
და საზომი სიკეთისა;

გიხაროდენ, მღდელო, გამორჩეულო ქრისტჳსო,
რამეთუ ყავ წყალობაჲ განწირულისა მისთჳს
დედაკაცისა, ვითარცა შუენოდა სიწმიდესა შენსა და
მიზეზ ექმენ პირველ ცოდვათა მხილებასა და მერმე
შენდობასა;

გიხაროდენ, ელიადსა და იოვანეს მიმსგავსებულო
მეუდაზნოეო, რამეთუ საქმეთა შენთა მო-გვითხრობს
ღირსი გიორგი მერჩული შემდგომად სიკუდილისა
შენისა;

გიხაროდენ, ჭეშმარიტთა ქრისტეანეთა სიქადულო და მოწესეთა სიხარულო, რომელსა გაქუს მადლი მორწმუნეთა შეწევნისა;

გიხაროდენ, ყოვლადბრწყინვალეო ღამპარო და მწყემსო ქართველთა ერისაო, საკრველთმოქმედო მამაო გრიგოლ ხანძთელიო!

კონდაკი 13

ჟ, წმიდათა შორის საკრველო მამაო და დიდებულო მოღუაწეო, საკრველთმოქმედო გრიგოლ ხანძთელიო! გალობანი ჩუენი მიითუალენ და შესწირე წინაშე ქრისტჳს ღმრთისა და გვთხოვენ, საცთურებასა და ჭირთა საჭუმილსა შინა ჩუენცა გუასხუროს ცუარი მადლისა შენისად, რადთა გული ჩუენი არა გრილ იყოს სმენად საღმრთოთა სწავლათა და დიდებად და გალობად ღმრთისა: ალილუია.

ეს კონდაკი სთქვი 3-გზის, შემდეგ:

